



Sveitarfélagið Árborg  
Austurvegi 2, Ráðhúsi  
800 Selfoss

ATVINNUVEGA- OG  
NÝSKÖPUNARRÁÐUNEYTIÐ

Skúlagötu 4 101 Reykjavík  
sími: 545 9700 postur@anr.is  
anr.is

Reykjavík 23. nóvember 2018  
Tilv.: ANR18100053/11.02.07

Efni: Umsókn um byggðakvóta fiskveiðiársins 2018/2019

Vísað er til umsóknar yðar um úthlutun byggðakvóta fiskveiðiársins 2018/2019. Ráðuneytið hefur fjallað um umsóknina og er niðurstaðan að úthluta byggðakvóta til sveitarfélagsins, sem hér segir:

**STOKKSEYRI** 105 þorskígildistonn \* (sjá meðfylgjandi töflu um skiptingu í fisktegundir.)  
**EYRARBAKKI** 48 þorskígildistonn \* (sjá meðfylgjandi töflu um skiptingu í fisktegundir.)

Í 10. gr. laga nr. 116/2006, um stjórn fiskveiða, með síðari breytingum og reglugerð nr. 684/2018 um úthlutun byggðakvóta til byggðarlaga er kveðið á um hve mikinn byggðakvóta ráðuneytið hefur til ráðstöfunar og á hvern hátt skuli skipta magninu til byggðarlaga sem lent hafa í vanda vegna samdráttar í sjávarútvegi og háð eru veiðum og/eða vinnslu á botnfiski sbr. 4. gr. reglugerðarinnar, í öðru lagi er ákveðið á hvern hátt skuli reikna byggðakvóta til byggðarlaga sem orðið hafa fyrir samdrætti vegna rækjuvinnslu/skelvinnslu, á rækju/skel sem veidd er hér við land.

Í reglugerð nr. 685/2018, um úthlutun byggðakvóta til fiskiskipa á fiskveiðiarinu 2018/2019 er kveðið á um það í fyrsta lagi hvaða skilyrði fiskiskip og útgerðir þeirra þurfa að uppfylla til að fá úthlutun, sbr. 1. gr. og í öðru lagi hvernig að úthlutun byggðakvóta til einstakra fiskiskipa skuli staðið, sbr. 4. og 6. gr. reglugerðarinnar.

**Athygli bæjar- og sveitarstjórnna er vakin á að engar efnislegar breytingar hafa verið gerðar frá reglugerð síðasta fiskveiðiárs, aðrar en magntölur og dagsetningar hafa breyst.**

Fiskistofa annast úthlutun byggðakvóta til fiskiskipa á grundvelli þeirra reglna sem um það gilda.

Reglur samkvæmt reglugerð um úthlutun byggðakvóta til fiskiskipa eru almennar og gilda um úthlutun byggðakvóta til fiskiskipa í öllum byggðarlögum nema frá þeim sé vikið. Megintilgangur þeirra er að tryggja að fiskiskip sem gerð eru út frá tilteknum byggðarlögum, og landað hafa afla þar, fái hlut í byggðakvótanum sem landað er til vinnslu í viðkomandi byggðarlagi. Frá þessum almennu reglum er heimilt að víkja samkvæmt tillögum hlutaðeigandi sveitarstjórnna **enda rökstyðji sveitarstjórnir tillögur sínar og sýni fram á að skilyrði sem hún leggur til séu byggð á málefnalegum og staðbundnum ástæðum og í samræmi við hagsmuni viðkomandi byggðarlags.**

Ráðuneytið beinir þeim tilmælum til bæjar- og sveitarstjórnna að horfa til þeirrar mögulegu verðmætaaukningar og atvinnusköpunar sem hafa má af byggðakvóta, þegar reglur um ráðstöfun

byggðakvótans verða mótaðar og minnir á að megintilgangur byggðakvótans er að stuðla að aukinni atvinnusköpun í viðkomandi byggðarlagi og hafa í huga kosti dagróðrabáta í því skyni.

Ráðuneytið vekur sérstaka athygli á að óski sveitarstjórnir á grundvelli rökstuddra málefnalegra staðbundinna ástæðna eftir undanþágu frá ákvæði í 10. gr. laga nr. 116/2006, um stjórn fiskveiða, og 4.gr. reglugerðar nr. 685/2018 um löndun á afla sem nemur tvöföldu aflamarki til vinnslu í byggðarlaginu, mun ráðuneytið leitast við að taka tillit til aðstæðna á hverjum stað. Hvað varðar skyldu til vinnslu á byggðakvóta í byggðarlagi, leggur ráðuneytið áherslu á að sé ekki til staðar bolfiskvinnsla í byggðarlaginu, þá verði í óskum sveitarstjórnar um undanþágu frá vinnsluskyldu miðað við að aflinn verði unninn innan viðkomandi sveitarfélags, eða í nágrennabyggðarlögum.

Vilji sveitarstjórn leggja til við ráðuneytið að sett verði sérstök skilyrði varðandi úthlutun byggðakvóta sveitarfélagsins eða einstakra byggðarlaga skal hún skila rökstuddum tillögum sínum til ráðuneytisins **eigi síðar en 21. desember 2018. Tillögur sem berast eftir þann tíma verða ekki teknar til greina.**

Að fresti liðnum felur ráðuneytið Fiskistofu að auglýsa eftir umsóknum útgerða um byggðakvóta og úthluta til einstakra fiskiskipa samkvæmt þeim almennu úthlutunarreglum sem er að finna í áðurnefndum lögum og reglugerð, hafi ekki borist óskir um sérreglur.

**Engar efnislegar breytingar hafa verið gerðar á reglugerð um úthlutun byggðakvóta til fiskiskipa aðrar en dagsetningar hafa breyst.**

**Athygli sveitarstjórna er þó vakin á upphafi 6. gr. reglugerðar nr. 685/2018 sem hljóðar svo:** Fiskiskipum er skylt að landa þeim afla sem telja á til byggðakvóta til vinnslu innan hlutaðeigandi byggðarlaga á tímabilinu frá 1. september 2018 til 31. ágúst 2019. Skilyrði þess að afla teljist landað til vinnslu er að honum sé haldið aðskildum frá öðrum afla ásamt því að vera vigtaður og skráður sérstaklega við vigtun á hafnarvog. Aflinn skal nema, í þorskígildum talið, tvöföldu magni þess aflamarks sem þau fá úthlutað samkvæmt reglugerð þessari. Eigandi fiskiskips skal gera skriflegan samning við fiskkaupanda um magn sem landað verður til vinnslu hjá viðkomandi vinnsluaðila, þar sem fram kemur að vinnsluaðili skuldbindi sig til að vinna aflann og skal bæjar- eða sveitarstjórn árita samninginn til staðfestingar. Úthlutun aflamarks fer fram á grundvelli vigtarnóta sem borist hafa Fiskistofu og skal úthlutun til þeirra ekki fara fram nema að því leyti sem það skilyrði er uppfyllt.

Fyrir hönd sjávarútvegs- og landbúnaðarráðherra

Jóhann Guðmundsson

Annas Jón Sigmundsson

Fylgiskj.: Tafla með skiptingu afla